

বৃক্ষভালবাসা

মোঃ আবদুল খালেক

বৃক্ষের ভালোবাসায় কত পাখি ডালে বসে
আবার উড়ে যায় কালের দিগন্তে
ডাল দ্যাখে ঝাপটা ডানার ছেড়া পালক;
সবুজ বৃক্ষ আবার ডানা ম্যালে বাতাসে
পাখির সুরেলা গানে আবার উড়ন্তপ্রেম।
আদিম প্রেমিকপৃথিবী আর বিদায়ি মানুষ
বৃক্ষ আর পাখি-মৌমাছি হলুদ সরিষাবনে,
পুরানো সূর্যের সাথে সোনালী সকালের মেলা
আলোর সাথে ছায়ার আজন্ম খেলা।
আমি প্রেমের সাথে স্বপ্নে বিভোর নিশিদিন
বাতাসে ভেসে প্রেমপাখির কানে ফিসফিস
পাতার দোলায় প্রেমনাচে ঝিরঝির-
আকাশভরা নীলে সমুদ্রে ভাসি, পানশি ভেলায়।
প্রেম কে করেছে অসীম, খামে খামে বিলাই
হাজার পাখীর বাসন্তী নীড়ে।
সবাই আমার মুক্তডানার উড়ন্ত প্রেম-
আমি এক অবুঝ ভালবাসাবৃক্ষ।

১৫/১১/০৭